



Broj: 01- *2020/13*
Sarajevo, 12.06.2023. godine

Na osnovu člana 71. Zakona o visokom obrazovanju („Službene novine Kantona Sarajevo“, broj: 36/22), odredbi Zakona o zaštiti od požara i vatrogastvu (“Službene novine FBiH”; broj: 64/09), člana 108. Statuta Univerziteta u Sarajevu, broj: 01-1093-3-1/18 od 28.11.2018. godine i člana 16. i člana 17. Pravilnika zaštite od požara Fakulteta, broj:01-833/22 od 25.02.2022. godine i predhodne pisane saglasnosti radnika Evelina Nevaljalovića za imenovanje odgovornog lica za poslove zaštite od požara na Fakultetu od 12.06.2023. godine, dekan Fakulteta donosi sljedeću:

ODLUKU

o imenovanju odgovornog lica za poslove zaštite od požara na Fakultetu

I

Evelin Nevaljalović, referent za obavljanje poslova domara i upravljanje energentskim sistemima Fakulteta, imenuje se za odgovorno lice za poslove zaštite od požara na Fakultetu sa sljedećim ovlaštenjima i dužnostima:

- a) upoznati svakog uposlenika prilikom stupanja na rad ili rasporeda s jednog mjesta na drugo s opasnostima od požara na tom radnom mjestu i na Fakultetu, te mjerama zaštite na radnom mjestu i na Fakultetu;
- b) organizovati obuku uposlenika;
- c) kontrolirati ispravnost svih instalacija, sistema za dojavu i gašenje požara, uređaja, opreme, i sredstava namjenjenih zaštiti od požara;
- d) provjeravati upotrebljivost opreme i sredstava za gašenje požara, te o uočenim nepravilnostima izvjestiti dekana;
- e) voditi brigu da se odmah ili u najkraćem roku otklone uočene nepravilnosti i dovedu u ispravno stanje neispravni sistemi za dojavu i gašenje požara u skladu sa zakonom i propisima donesenim na temelju zakona;
- f) voditi brigu o održavanju vatrogasnih aparata, izboru novih vatrogasnih aparata te njihovom pravilnom rasporedu;
- g) u slučaju nastanka požara dužan je odmah izvjestiti nadležnu policijsku upravu, odnosno najbližu vatrogasnu jedinicu, centar za obavještanje i uzbunjivanje ili drugo nadležno tijelo, jedinice lokalne samouprave i uprave;
- h) u slučaju nastanka većeg požara nalaže se spašavanje uposlenika, studenata, djece imovine te rukovodi gašenjem požara do dolaska vatrogasne jedinice;
- i) u slučaju neposredne opasnosti od nastajanja i širenja požara poduzima mjere za otklanjanje tih opasnosti;
- j) u građevinama i prostorima Fakulteta postavlja pismena upozorenja o sigurnosnim mjerama.



II

Odgovorno lice je dužno i odgovorno postupati u skladu sa odredbama Zakona o zaštiti od požara i vatrogastvu, Pravilnikom zaštite od požara Fakulteta, broj:01-833/22 od 25.02.2022. godine, drugim zakonskim i podzakonskim aktima koji uređuju ovu oblast, kao i u skladu sa tehničkim normativima i standardima iz ove oblasti.

III

Imenovani ima pravo na dodatak na osnovnu plaću za vrijeme dok obavlja poslove odgovornog lica za poslove zaštite od požara na Fakultetu.

Iznos dodatka na osnovnu plaću za obavljanje poslova odgovornog lica za poslove zaštite od požara na Fakultetu će se utvrđivati posebnim Rješenjem dekana za svaki mjesec na temelju obračuna Službe za računovodstvo i finansije Fakulteta.

IV

Imenovani je obavezan svakog mjeseca podnositi pisani izvještaj o obavljenim poslovima odgovornog lica dekanu Fakulteta, Službi za računovodstvo i finansije i šefu Službe za opće poslove.

V

Ova Odluka stupa na snagu danom donošenja.

Obrazloženje

Rješenjem Inspektora za zaštitu od požara Ministarstva unutrašnjih poslova KS, broj: 03-40-151 od 17.11.2021. godine naređuje se Univerzitetu u Sarajevu sa sjedištem u ulici Obala Kulina bana broj 7 da u objektu PJ Fakultet sporta i tjelesnog odgoja u ulici Patriotske lige 41 imenuje odgovorno lice za poslove zaštite od požara.

Uvidom u personalni dosije utvrđeno je da je Evelin Nevaljalović raspoređen na poslovima referenta za obavljanje poslova domara i upravljanje energentskim sistemima Fakulteta i da posjeduje Potvrdu o provjeri stručnog znanja za rukovanje zapaljivim tečnostima i gasovima u prometu, broj: 4/17 od 22.11.2017. godine, izdata od Vatroservis d.o.o., u kojoj se konstatuje da je imenovani zadovoljio na provjeri stručnog znanja rukovalac zapaljivim tečnostima i gasovima, izvršenoj dana 22.11.2017. godine, po odredbama Pravilnika o stručnoj spremi i načinu provjere stručnog znanja lica koja mogu rukovati eksplozivnim materijama i lica koja mogu rukovati zapaljivim tečnostima i gasovima u prometu (Službeni list SR BiH", broj: 15/78). Također, imenovani ima završen III stepen stručne spremlje tehničkog usmjerenja.

Imenovani je dana 12.06.2023. godine dao predhodnu pisanu saglasnost za imenovanje odgovornog lica za poslove zaštite od požara na Fakultetu.

Imajući u vidu navedeno, donesena je odluka kao u dipsozitivu.

Dostaviti:

- Dekanu
- Evelin Nevaljalović
- Irfan Ahatović
- Računovodstvo
- Personalni dosje
- web
- a/a

DEKAN

Prof.dr. Ifet Mahmutović